


SLUŽBENI LIST
REPUBLIKE BOSNE I HERCEGOVINE



СЛУЖБЕНИ ЛИСТ
РЕПУБЛИКЕ БОСНЕ И ХЕРЦЕГОВИНЕ

Godina II - Broj 2

Petak, 29. januar/siječanj 1993.
SARAJEVO

Za svaki broj posebno se
utvrđuje cijena
Žiro-račun 10100-603-1396

8

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na sjednici od 19. januara 1993. godine, donijelo je

ODLUKU

**O RAZRJEŠENJU I IMENOVANJU PREDSEDNIKA
KOMISIJE ZA RASPIŠIVANJE POZIVNOG
KONKURSA ZA IZBOR HIMNE REPUBLIKE BOSNE I
HERCEGOVINE**

I

Razrješava se dužnosti predsjednika Komisije za raspisivanje pozivnog konkursa za izbor himne Republike Bosne i Hercegovine Stjepan Kljuić.

II

Za predsjednika Komisije za raspisivanje pozivnog konkursa za izbor himne Republike Bosne i Hercegovine imenuje se dr NIKOLA KOVAČ, ministar obrazovanja, nauke, kulture i sporta.

III

Ovu odluku objaviti u "Službenom listu RBiH".

Broj 02-111-17/93
19. januara 1993. godine
Sarajevo

Predsjednik
Predsjedništva RBiH,
Alija Izetbegović, s. r.

9

Na osnovu člana 15. stav 1. Uredbe sa zakonskom snagom o vršenju inostranih poslova ("Službeni list RBiH", broj 19/92), na prijedlog Vlade Republike Bosne i Hercegovine, Predsjedništvo Republike Bosne i Hercegovine, na sjednici od 19. januara 1993. godine, donijelo je

ODLUKU

**O POSTAVLJENJU AMBASADORA REPUBLIKE
BOSNE I HERCEGOVINE U REPUBLICI HRVATSKOJ**

I

Postavlja se dr BISERA TURKOVIĆ za ambasadora Republike Bosne i Hercegovine u Republici Hrvatskoj, sa sjedištem u Zagrebu.

II

Ovu odluku objaviti u "Službenom listu RBiH".

PR broj 1401/93
19. januara 1993. godine
Sarajevo

Predsjednik
Predsjedništva RBiH,
Alija Izetbegović, s. r.

10

Na osnovu člana 8. Uredbe sa zakonskom snagom o oružanim snagama Republike Bosne i Hercegovine ("Službeni list RBiH", broj 4/92) Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

ODLUKU

**O PROGLAŠENJU NEVAŽEĆOM
ZAPOVIJEDI MINISTRA ODBRANE REPUBLIKE
BOSNE I HERCEGOVINE**

I

Prolašava se u cijelosti nevažećom zapovijed ministra obrane Republike Bosne i Hercegovine Bože Rajića broj 01/93 od 16. 01. 1993. godine, kao neustavna i nezakonita, jer je donesena od neovlaštenog lica.

II

Za donošenje naredbe takve vrste ovlašteno je Predsjedništvo RBiH kao vrhovna komanda Oružanih snaga RBiH.

III

Ovu odluku objaviti u "Službenom listu RBiH".

PR broj 1402/93
19. januara 1993. godine
Sarajevo

Predsjednik
Predsjedništva RBiH,
Alija Izetbegović, s. r.

11

Na osnovu člana 45. stav 2. Zakona o Vladi Republike Bosne i Hercegovine ("Službeni list SRBiH", broj 33/90 i "Službeni list RBiH", br. 4/92 i 19/92), Vlada Republike Bosne i Hercegovine, donosi

UREDBU O NAKNADAMA ZA PUTNE I DRUGE TROŠKOVE RADNIKA DRŽAVNIH ORGANA

I - OPŠTA ODREDBA

Član 1.

Ovom uredbom reguliše se pravo i visina dnevnica za službeno putovanje u zemlji, visina naknade i način korišćenja putničkih automobila u ličnoj svojini za službene potrebe, naknada za prevoz na posao i sa posla, visina naknade za ishranu u toku rada (topli obrok), visina naknade zbog odvojenog života od porodice i naknade na ime troškova preseljenja radnika republičkih organa uprave, republičkih upravnih organizacija, stručnih službi Skupštine Republike Bosne i Hercegovine i Vlade Republike Bosne i Hercegovine i drugih državnih organa kojima se sredstva za materijalne troškove obezbjeđuju u republičkom budžetu (u daljem tekstu: organi).

II - NAKNADA TROŠKOVA ZA SLUŽBENA PUTOVANJA

Član 2.

Pod službenim putovanjem u smislu ove uredbe podrazumijeva se putovanje na koje se radnik upućuje da izvrši određeni službeni posao van mjesta svog redovnog zaposlenja, koje za radnike prouzrokuje posebne troškove.

Nalog za službeno putovanje izdaje funkcioner koji rukovodi organom.

Član 3.

Izdaci za naknade troškova za službeno putovanje, obuhvataju naknadu za smještaj i ishranu (u daljem tekstu: dnevnicе) i naknadu za lični prevoz radnika.

Član 4.

Dnevnicа za službeno putovanje bez troškova noćenja iznosi najmanje 8% prosječne mjesečne plate po radniku isplaćene u privredi Republike Bosne i Hercegovine u prethodna tri mjeseca.

Iznos dnevnice, nakon objavljivanja podataka o prosječnoj mjesečnoj plati, utvrđuje Vlada Republike Bosne i Hercegovine (u daljem tekstu: Vlada).

Član 5.

Za vrijeme ratnog stanja ili u slučaju neposredne ratne opasnosti dnevnica za službeno putovanje u zemlji bez troškova noćenja iznosi 20% najniže plate utvrđene u skladu sa Uredbom sa zakonskom snagom o platama i drugim ličnim primanjima radnika za vrijeme ratnog stanja ili u slučaju neposredne ratne opasnosti.

Iznos dnevnice, nakon objavljivanja podatka o prosječnoj mjesečnoj plati, utvrđuje Vlada.

Član 6.

Troškovi noćenja priznaju se po računu hotelsko-ugostiteljskog preduzeća za noćenje u punom iznosu.

Član 7.

Pravo na cijelu dnevnicu ostvaruje se za vrijeme provedeno na putovanju koje je trajalo preko 12 do 24 sata, a na polovinu dnevnice ako je putovanje trajalo preko 8 do 12 sati.

Radniku koji prima naknadu troškova zbog odvojenog života od porodice, a službeno putuje u mjesto u kome živi njegova porodica, pripada pravo na polovinu dnevnice.

Član 8.

Naknada za povećane materijalne troškove koje radnik ima za vrijeme rada i boravka na terenu van mjesta prebivališta

utvrđuje se u visini od 30% od iznosa dnevnice ako je za rad na terenu obezbijeđen smještaj i ishrana u okviru organa, a u slučaju kada nije obezbijeđen smještaj i ishrana u okviru organa, u visini dnevnice.

Član 9.

Izdaci za lični prevoz radnika na službenom putovanju priznaju se u iznosima propisanim u putničkoj tarifi za prevoz najkraćim putem prevoznim sredstvom koje radnik koristi na službenom putovanju.

Vrstu i razred prevoznog sredstva koje radnike može koristiti na službenom putovanju, kao i druge uslove prevoza određuje funkcioner koji rukovodi organom.

Član 10.

Radnicima koji za službene potrebe koriste putnički automobil u ličnoj svojini pripada naknada za svaki pređeni kilometar 30% iznosa najviše cijene jednog litra benzina.

Ova naknada ne može se utvrditi u paušalnom iznosu.

Pravo na korišćenje vlastitog automobila radnik ima kada je to određeno u putnom nalogu.

Član 11.

Radniku kojem nije organizovan prevoz na posao i sa posla obezbjeđuje se karta za prevoz u javnom saobraćaju.

U kupovini karte za prevoz na posao i sa posla učestvuje radnik, prema visini koeficijenta za utvrđivanje plate i to: radnici sa koeficijentom plate do 2, učešće iznosi 10% od cijene karte, radnici sa koeficijentom plate preko 2 do 4, učešće iznosi 20% od cijene karte, i radnici sa koeficijentom plate preko 4, učešće iznosi 30% od cijene karte.

III - NAKNADA TROŠKOVA ZA TOPLI OBROK U TOKU RADA

Član 12.

Radnik ima pravo na naknadu za ishranu u toku rada (topli obrok) u iznosu od 25% prosječne plate isplaćene u prethodna tri mjeseca u privredi Republike Bosne i Hercegovine.

Radniku se osigurava topli obrok gdje je to moguće, u suprotnom se isplaćuje protuvrijednost u dinarima.

Iznos toplog obroka, nakon objavljivanja podatka o prosječnoj mjesečnoj plati, utvrđuje Vlada.

Član 13.

Za vrijeme ratnog stanja ili u slučaju neposredne ratne opasnosti, radnik ima pravo na naknadu za ishranu u toku rada (topli obrok) u iznosu od 35% protuvrijednosti korpe proizvođa.

Strukturu korpe proizvoda utvrđuje Ministarstvo robnog prometa, preduzetništva i turizma i Zavod za statistiku Republike Bosne i Hercegovine.

Nakon utvrđivanja strukture korpe proizvoda, iznos toplog obroka, utvrđuje Vlada.

IV - NAKNADA TROŠKOVA ZBOG ODVOJENOG ŽIVOTA OD PORODICE

Član 14.

Radniku koji živi odvojeno od porodice pripada naknada za troškove zbog odvojenog života od porodice, u iznosu 70% od prosječne mjesečne plate po radniku isplaćene u privredi Republike Bosne i Hercegovine u prethodna tri mjeseca.

Naknada iz stava 1. ovog člana pripada radniku od dana njegovog javljanja na dužnost do isteka mjeseca u kome mu je dodijeljen useljiv stan.

Radnik koji ostvaruje naknadu zbog odvojenog života od porodice nema pravo na terenski dodatak.

Radniku koji ostvaruje naknadu zbog odvojenog života od porodice, a nema pravo na besplatan prevoz, pripada naknada na ime troškova prevoza radi posjete porodici do četiri putovanja mjesečno, u visini stvarnih troškova prevoza sredstvima javnog saobraćaja, na osnovu priložene karte o izvršenom prevozu.

Iznos odvojenog života od porodice iz stava 1. ovog člana, nakon objavljivanja podatka o prosječnoj mjesečnoj plati, utvrđuje Vlada.

V - NAKNADA ZA SELIDBENE TROŠKOVE

Član 15.

Pravo na naknadu troškova preseljenja pripada radniku:

1. koji je u radnom odnosu kod organa u mjestu koje je van prebivališta njegovog i njegove porodice;
2. koji se raspoređuje na rad u drugo mjesto;
3. kome prestaje radni odnos zbog odlaska u penziju, a koji preseljava u drugo mjesto;
4. mjesto umrlog radnika, ako se preseljava u drugo mjesto.

Naknada troškova za lica iz tač. 3. i 4. stava 1. ovog člana priznaje se radniku ako preseljenje izvrši u roku od jedne godine od dana prestanka radnog odnosa zbog odlaska u penziju, odnosno dana smrti radnika.

Član 16.

Naknada za selidbene troškove priznaje se u iznosu stvarnih troškova preseljenja (pakovanja, utovara, istovara, unošenja i prevoza pokućstva), kao i troškova za prevoz, smještaj i ishranu radnika i članova njegove porodice prilikom selidbe.

Na relacijama na kojima postoji javni saobraćaj naknada za prevoz pokućstva pripada u visini najniže tarife propisane za prevoz sredstvima takvog saobraćaja.

Član 17.

Naknada za prevoz i dnevnice radniku i članovima njegove porodice prilikom selidbe pripada u visini i pod uslovima predviđenim za službeno putovanje radnika, s tim što se dnevnića za članove porodice određuje u visini 50% od dnevnice koja pripada radniku.

Pod članovima porodice, u smislu ove uredbe, podrazumijevaju se lica za koja radnik kao osiguranik ima pravo na zdravstveno osiguranje po važećim propisima.

VI - PRELAZNE I ZAVRŠNE ODREDBE

Član 18.

Na temelju naloga za službeno putovanje ili selidbu radniku se može isplatiti akontacija u visini procijenjenih troškova.

Član 19.

Danom stupanja na snagu ove uredbe prestaje da važi Uredba o naknadama za putne i druge troškove radnika republičkih organa uprave i republičkih upravnih organizacija ("Službeni list SRBiH", br. 23/88, 38/88, 44/88, 7/89, 11/89, 20/89, 26/89, 33/89, 34/89, 38/89, 1/90, 5/90, 11/90, 23/90, 9/91, 33/91 i 4/92).

Član 20.

Ova uredba stupa na snagu danom objavljivanja u "Službenom listu RBiH".

V broj 15/93
26. januara 1993. godine
Sarajevo

Potpredsjednik
Vlade RBiH,
dr Zlatko Lagumdžija, s. r.

12

Na osnovu člana 16. Uredbe sa zakonskom snagom o obrani ("Službeni list RBiH", br. 4/92 i 12/92, tačke III Odluke o stavljanju pod kontrolu raspodjele energenata ("Službeni list RBiH", broj 12/92), Vlada Republike Bosne i Hercegovine, donosi

ODLUKU

O RASPODJELI DERIVATA NAFTE NA TERITORIJI REPUBLIKE BOSNE I HERCEGOVINE

I

Raspoložive količine derivata nafte dijelit će se pojedinim korisnicima, unutar utvrđenih kategorija korisnika, na cjelokupnoj teritoriji Republike Bosne i Hercegovine (u daljem tekstu: Republika), u skladu sa Metodologijom o raspodjeli derivata nafte na teritoriji Republike, koja je sastavni dio ove odluke.

II

Metodologija raspodjele derivata nafte temelji se na principu količina derivata nafte za pojedine korisnike, unutar utvrđenih kategorija korisnika i na cijeloj teritoriji Republike, na osnovu kriterija raspodjele prema broju stanovnika pojedinih područja Republike.

Raspodjela derivata nafte predviđenih za ugljenokope i elektroprivredu temelji se na stvarnom doprinosu pojedinih organizacija iz tih djelatnosti realizaciji bilansa energetskih potreba Republike.

III

Raspodjelu derivata nafte iz tačke II ove odluke primjenjuje, tumači i daje odgovarajuće naloge, Ministarstvo energetike, rudarstva i industrije.

IV

Vlada Republike Bosne i Hercegovine vrši raspodjelu, na osnovu Odluke o prioritetima u snabdijevanju energentima i energijom ("Službeni list RBiH", broj 18/92), a neposrednu raspodjelu derivata nafte pojedinim korisnicima unutar utvrđenih kategorija korisnika vrše povjereništva okruga, izvršni odbori opština odnosno Izvršni odbor grada Sarajeva i drugi organi, koje za raspodjelu derivata nafte ovlašti Ministarstvo energetike, rudarstva i industrije.

V

Ova odluka stupa na snagu odmah, a o njenom izvršenju Ministarstvo energetike, rudarstva i industrije povremeno će informisati Vladu Republike Bosne i Hercegovine.

VI

Ovu odluku objaviti u "Službenom listu RBiH".

V broj 118/93
21. siječnja 1993. godine
Sarajevo

Potpredsjednik
Vlade RBiH,
dr Zlatko Lagumdžija, s. r.

13

Na osnovu člana 45. stav 2. Zakona o Vladi Republike Bosne i Hercegovine ("Službeni list SRBiH", broj 33/90 i "Službeni list RBiH", br. 4/92 i 19/92), Vlada Republike Bosne i Hercegovine, donosi

ODLUKU

O OSNIVANJU FONDA "HAKIJA TURAJLIĆ"

I

Vlada Republike Bosne i Hercegovine (u daljem tekstu: Vlada RBiH) i Energoinvest Holding LTD Sarajevo (u daljem

tekstu: Energoinvest) osnivaju Fond "Hakija Turajlić" za školovanje nadarenih učenika i studenata u školama i sveučilištima u inozemstvu.

Fond iz stava 1. ove tačke ima svojstvo pravnog lica.

Sjedište Fonda "Hakija Turajlić" je u Sarajevu.

II

Osnivački ulog Fonda "Hakija Turajlić" čine sredstva Energoinvesta u iznosu od 100.000 DM i sredstva Vlade RBiH u iznosu od 100.000 DM.

Fond iz stava 1. ove tačke ostvaruje sredstva i:

- iz republičkog budžeta,
- iz sredstava Energoinvesta i drugih preduzeća, ustanova i drugih pravnih i fizičkih lica,
- iz legata, poklona i zavještanja,
- iz drugih izvora.

III

Fondom "Hakija Turajlić" upravlja Upravni odbor, a rukovodi direktor Fonda.

Članove Upravnog odbora i direktora Fonda imenuju osnivači iz tačke I ove odluke.

Upravni odbor ima pet članova.

Predsjednik i članovi Upravnog odbora imenuju se za vrijeme od četiri godine.

Upravni odbor utvrđuje kriterije za dodjelu sredstava za školovanje učenika i studenata iz tačke I ove odluke, i vrši dodjelu tih sredstava.

IV

Fond "Hakija Turajlić" ima Nadzorni odbor koga čine tri člana.

Predsjednika i članove Nadzornog odbora imenuju i razrješavaju osnivači iz tačke I ove odluke za vrijeme od četiri godine i mogu biti ponovo imenovani.

V

Nadzorni odbor:

- analizira izvještaje o dodjeli sredstava Fonda "Hakija Turajlić",
- pregleda godišnji izvještaj o poslovanju i godišnji obračun sredstava,
- izvještava osnivača, Upravni odbor i direktora o rezultatima nadzora.

VI

Blíže odredbe o imenovanju i razrješavanju direktora, nadležnosti Upravnog odbora, Nadzornog odbora, o opštim aktima koji se donose u Fondu "Hakija Turajlić" i drugim pitanjima značajnim za rad Fonda uređuju se pravilima Fonda.

VII

Stručne i druge poslove za Fond "Hakija Turajlić" obavlja stručna služba Energoinvesta.

VIII

Do imenovanja članova Upravnog odbora i direktora Fonda "Hakija Turajlić" poslove ovih organa obavljaće privremeni upravni odbor i vršilac dužnosti direktora Fonda koje će imenovati Vlada RBiH, u roku od pet dana od dana stupanja na snagu ove odluke.

Privremeni upravni odbor i vršilac dužnosti direktora izvršiće pripreme radnje za organizovanje i rad Fonda "Hakija Turajlić" i pripremiti prijedlog pravila i drugih akata Fonda.

IX

Upravni odbor Fonda "Hakija Turajlić" će u roku od 20 dana od dana početka rada Fonda donijeti pravila Fonda.

X

Ova odluka služi kao osnivački akt na osnovu kojeg će se izvršiti upis u sudski registar.

XI

Ova odluka stupa na snagu danom objavljivanja u "Službenom listu RBiH".

V broj 16/93

26. januara 1993. godine

Sarajevo

Potpredsjednik

Vlade RBiH,

dr Zlatko Lagumdžija, s. r.

14

Na osnovu člana 2. stav 1. Uredbe o načinu formiranja cijena određenih proizvoda i usluga ("Službeni list SRBiH", br. 4/92, 5/92 i 7/92), Vlada Republike Bosne i Hercegovine, donosi:

RJEŠENJE

O DAVANJU SAGLASNOSTI NA CIJENE UGLJA ZA TERMOELEKTRANE

1. Daje se saglasnost javnom preduzeću Rudnicima uglja u Republici Bosni i Hercegovini da cijene uglja za termoelektrane mogu povećati za 79%.

2. Cijene uglja za termoelektrane iz tačke 1. ovog rješenja primjenjivaće se od 1. februara 1993. godine.

3. Rudnici uglja dužni su da cjenovnik usaglašen sa ovim rješenjem dostave Ministarstvu robnog prometa, poduzetništva i turizma u roku od tri dana od dana primjene cijena uglja za termoelektrane utvrđene ovim rješenjem.

4. Ovo rješenje objaviti u "Službenom listu RBiH".

V broj 20/93

26. januara 1993. godine

Sarajevo

Potpredsjednik

Vlade RBiH,

dr Zlatko Lagumdžija, s. r.

15

Na osnovu člana 2. stav 1. Uredbe o načinu formiranja cijena određenih proizvoda i usluga ("Službeni list SRBiH", br. 4/92, 5/92 i 7/92 i "Službeni list RBiH", broj 1/92), Vlada Republike Bosne i Hercegovine, donosi:

RJEŠENJE

O DAVANJU SAGLASNOSTI NA CIJENE ELEKTRIČNE ENERGIJE

1. Daje se saglasnost Javnom preduzeću Elektroprivreda BiH Sarajevo, da cijene električne energije poveća za 79%.

2. Cijene električne energije iz tačke 1. ovog rješenja primjenjivaće se od 1. februara 1993. godine.

3. Nalaže se Javnom preduzeću Elektroprivreda BiH Sarajevo, da cjenovnik usaglašen sa ovim rješenjem dostavi Ministarstvu robnog prometa, poduzetništva i turizma, u roku od tri dana od dana početka primjene cijena električne energije utvrđenih ovim rješenjem.

4. Ovo rješenje objaviti u "Službenom listu RBiH".

V broj 14/93

26. januara 1993. godine

Sarajevo

Potpredsjednik

Vlade RBiH,

dr Zlatko Lagumdžija, s. r.

16

Na osnovu člana 9. stav 3. Uredbe sa zakonskom snagom o Institutu za istraživanje zločina protiv čovječnosti i međunarodnog prava ("Službeni list RBiH", broj 16/92), Vlada Republike Bosne i Hercegovine, donosi

RJEŠENJE**O IMENOVANJU UPRAVNOG ODBORA INSTITUTA ZA ISTRAŽIVANJE ZLOČINA PROTIV ČOVJEČNOSTI I MEĐUNARODNOG PRAVA**

Imenuje se Upravni odbor Instituta za istraživanje zločina protiv čovječnosti i međunarodnog prava u sastavu:

1. Prof. dr IVAN CVITKOVIĆ - predsjednik
2. Prof. dr ATIF PURIVATRA - zamjenik predsjednika
3. Dr MIRKO PEJANOVIĆ - član
4. Dr BEĆIR MACIĆ - član
5. IVAN LOVRENOVIĆ - član
6. Prof. dr NIJAZ DURAKOVIĆ - član
7. Dr MUNIB MAGLAJLIĆ - član

Ovo rješenje objaviti u "Službenom listu RBiH".

V broj 6/92 Potpredsjednik
21. januar 1993. godine Vlade RBiH,
Sarajevo dr Zlatko Lagumdžija, s. r.

17

Na osnovu člana 188. Zakona o državnoj upravi - Prečišćeni tekst ("Službeni list SRBiH", br. 8/90, 22/90, 10/91 i 14/91 i "Službeni list RBiH", broj 4/92), Vlada Republike Bosne i Hercegovine, donosi

RJEŠENJE**O POSTAVLJENJU PODSEKRETARA U MINISTARSTVU ENERGETIKE, RUDARSTVA I INDUSTRIJE**

Za podsekretara u Ministarstvu energetike, rudarstva i industrije postavlja se IVO KRIŽANOVIĆ.

Ovo rješenje objaviti u "Službenom listu RBiH".

V broj 7/93 Potpredsjednik
26. januara 1993. godine Vlade RBiH,
Sarajevo dr Zlatko Lagumdžija, s. r.

18

Na osnovu člana 188. Zakona o državnoj upravi - Prečišćeni tekst ("Službeni list SRBiH", br. 8/90, 22/90, 10/91 i 14/91 i "Službeni list RBiH", broj 4/92), Vlada Republike Bosne i Hercegovine, donosi

RJEŠENJE**O POSTAVLJENJU POMOĆNIKA MINISTRA ENERGETIKE, RUDARSTVA I INDUSTRIJE**

Za pomoćnika ministra energetike, rudarstva i industrije postavlja se dr ALIJA MUHAREMOVIĆ.

Ovo rješenje objaviti u "Službenom listu RBiH".

V broj 8/93 Potpredsjednik
26. januara 1993. godine Vlade RBiH,
Sarajevo dr Zlatko Lagumdžija, s. r.

19

Na osnovu člana 188. Zakona o državnoj upravi - Prečišćeni tekst ("Službeni list SRBiH", br. 8/90, 22/90, 10/91 i 14/91 i "Službeni list RBiH", broj 4/92), Vlada Republike Bosne i Hercegovine, donosi

RJEŠENJE**O POSTAVLJENJU POMOĆNIKA MINISTRA ENERGETIKE, RUDARSTVA I INDUSTRIJE**

Za pomoćnika ministra energetike, rudarstva i industrije postavlja se HRUSTEM PEŠTEK.

Ovo rješenje objaviti u "Službenom listu RBiH".

V broj 9/93 Potpredsjednik
26. januara 1993. godine Vlade RBiH,
Sarajevo dr Zlatko Lagumdžija, s. r.

20

Na osnovu člana 188. Zakona o državnoj upravi - Prečišćeni tekst ("Službeni list SRBiH", br. 8/90, 22/90, 10/91 i 14/91 i "Službeni list RBiH", broj 4/92), Vlada Republike Bosne i Hercegovine, donosi

RJEŠENJE**O POSTAVLJENJU POMOĆNIKA MINISTRA ENERGETIKE, RUDARSTVA I INDUSTRIJE**

Za pomoćnika ministra energetike, rudarstva i industrije, na poslove šefa Kabineta ministra, postavlja se HALIDA MAHMUTČEHAJIĆ.

Ovo rješenje objaviti u "Službenom listu RBiH".

V broj 10/93 Potpredsjednik
26. januara 1993. godine Vlade RBiH,
Sarajevo dr Zlatko Lagumdžija, s. r.

21

Na osnovu člana 182. stav 4. Zakona o državnoj upravi - Prečišćeni tekst ("Službeni list SRBiH", br. 8/90, 22/90, 10/91 i 14/91 i "Službeni list RBiH", broj 4/92), Vlada Republike Bosne i Hercegovine, donosi

RJEŠENJE**O POSTAVLJENJU DIREKTORA DIREKCIJE REPUBLIKE BOSNE I HERCEGOVINE ZA PROIZVODNJU NAORUŽANJA I VOJNE OPREME**

Za direktora Direkcije Republike Bosne i Hercegovine za proizvodnju naoružanja i vojne opreme postavlja se mr TVRTKO OBRDALJ.

Ovo rješenje objaviti u "Službenom listu RBiH".

V broj 11/93 Potpredsjednik
26. januara 1993. godine Vlade RBiH,
Sarajevo dr Zlatko Lagumdžija, s. r.

22

Na osnovu člana 182. stav 4. Zakona o državnoj upravi - Prečišćeni tekst ("Službeni list SRBiH", br. 8/90, 22/90, 10/91 i 14/91 i "Službeni list RBiH", broj 4/92), Vlada Republike Bosne i Hercegovine, donosi

RJEŠENJE**O POSTAVLJENJU DIREKTORA ZAVODA ZA
STANDARDIZACIJU, MJERITELJSTVO I PATENTE
REPUBLIKE BOSNE I HERCEGOVINE**

Za direktora Zavoda za standardizaciju, mjeriteljstvo i patente Republike Bosne i Hercegovine postavlja se mr **NEDŽAD KOLAKOVIĆ**.

Ovo rješenje objaviti u "Službenom listu RBiH".

V broj 12/93
26. januara 1993. godine
Sarajevo

Potpredsjednik
Vlade RBiH,
dr Zlatko Lagumdžija, s. r.

23

Na osnovu člana 37. stav 5. Zakona o zaštiti civilnih žrtava rata - Prečišćeni tekst ("Službeni list SRBiH", br. 34/84, 41/87, 41/89 i 33/90), ministar rada i socijalne politike, izdaje

NAREDBU**O USKLADIVANJU MJESEČNIH NOVČANIH IZNOSA
PRIMANJA CIVILNIH ŽRTAVA RATA OD 1.
NOVEMBRA 1992. GODINE**

1. Mjesečni novčani iznosi civilne invalidnine, dodatka za njegu i pomoć drugog lica, dodatne novčane pomoći, dodatka za člana porodice nesposobnog za rad i dodatka za samohranost, kao i imovinski cenzus povećavaju se za 72,6% u odnosu na isplate izvršene u oktobru 1992. godine, i to počev od 1. novembra 1992. godine i iznose:

1) Civilna invalidnina

I grupa - 100% tjelesnog oštećenja za lica kojima je za osnovne životne potrebe potreban jega i pomoć drugog lica	30.647,00 dinara
II grupa - 100% tjelesnog oštećenja	22.198,00 dinara
III grupa - 90% tjelesnog oštećenja	16.735,00 dinara
IV grupa - 80% tjelesnog oštećenja	13.415,00 dinara
V grupa - 70% tjelesnog oštećenja	8.846,00 dinara
VI grupa - 60% tjelesnog oštećenja	5.477,00 dinara

2) Dodatak za njegu i pomoć drugog lica 20.218,00 dinara

3) Dodatna novčana pomoć 7.189,00 dinara

4) Dodatak za člana porodice nesposobnog za rad 3.592,00 dinara

5) Dodatak za samohranost 3.592,00 dinara

6) Imovinski cenzus 5.297,00 dinara

2. Dodatna novčana pomoć iznosi 7.189,00 dinara ako mjesečni prihod po članu domaćinstva ne prelazi 5.297,00 dinara.

3. Ova naredba stupa na snagu narednog dana od dana objavljivanja u "Službenom listu RBiH", a tač. 1. i 2. primjenjivaće se od 1. novembra 1992. godine.

Broj 04/02-534-3/92
25. januara 1993. godine
Sarajevo

Za ministra
potpredsjednik Vlade RBiH,
dr Zlatko Lagumdžija, s. r.

24

Na osnovu člana 12. stav 6. Uredbe sa zakonskom snagom o robnom prometu i uslovima snabdijevanja za vrijeme ratnog stanja i vanrednih okolnosti, ministar robnog prometa, poduzetništva i turizma, donosi

UPUTSTVO**O RACIONISANOJ POTROŠNJI OSNOVNIH
PREHRAMBENIH PROIZVODA**

1. Preduzeća i druga pravna lica i samostalni trgovci koji se bave prometom osnovnih prehrambenih proizvoda: brašno, pirinač, ulje, mlijeko i šećer, mogu potrošačima navedene proizvode prodavati samo u ograničenim mjesečnim količinama.

2. Ograničena mjesečna količina - racionisana potrošnja, po jednom stanovniku iznosi:

1. brašno	5 kg;
2. pirinač	0,5 kg;
3. ulje	0,5 litara;
4. mlijeko	3 litra ili 0,330 kg mliječnog praha;
5. šećer	1 kg.

3. Ukoliko se za određena područja Republike Bosne i Hercegovine ne može organizovati proizvodnja hljeba, mliječnih preradevina i konditorskih proizvoda, ograničena mjesečna količina - racionisana potrošnja, po jednom stanovniku iznosi:

1. brašno	11 kg;
2. pirinač	0,5 kg;
3. ulje	0,5 litara;
4. mlijeko	4 litra ili 0,50 kg mliječnog praha;
5. šećer	1,5 kg.

4. Ovo uputstvo stupa na snagu danom objavljivanja u "Službenom listu RBiH".

M broj 163/93

22. januara 1993. godine
Sarajevo

Ministar
Husein Ahmović, s. r.

Ustavni sud Bosne i Hercegovine

Ustavni sud Bosne i Hercegovine, na osnovu člana 387. stav 1. tačka 3. Ustava Republike Bosne i Hercegovine, člana 18. stav 1. tačka 5. i člana 72. tačka 3. Poslovnika Ustavnog suda Bosne i Hercegovine, na sjednici održanoj 10. 12. 1992. godine, donio je

ODLUKU

Poništavaju se Dogovor o udruživanju u Autonomnu regiju Sjeveroistočna Bosna ("Službeni glasnik opštine Lopare", broj 10/91) i Odluka o zaključivanju Dogovora o udruživanju u Autonomnu regiju Sjeveroistočne Bosne, koju je 15. 10. 1991. godine, donijela Skupština opštine Lopare ("Službeni glasnik opštine Lopare", broj 9/91).

Odbacuje se zahtjev javnog pravobranioca opštine Lopare za ocjenjivanje zakonitosti sprovedenog referenduma za izdvajanje pojedinih naselja i sela iz područja opštine Lopare, od 17. 11. 1991. godine.

Ova odluka objaviće se u "Službenom listu RBiH", i u "Službenom glasniku opštine Lopare".

Obrazloženje

Rješenjem Ustavnog suda, od 16. 4. 1992. godine, pokrenut je postupak za ocjenjivanje ustavnosti i zakonitosti navedenog dogovora, kojim je, između ostalog, utvrđeno da se u cilju ostvarivanja trajne međusobne saradnje i povezanosti radi racionalnijeg i efikasnijeg ostvarivanja zajedničkih interesa i potreba građana i usklađivanja društvenog i ekonomskog razvoja, opštine Bijeljina, Ugljevik i Lopare udružuju u Autonomnu regiju Sjeveroistočna Bosna i da područje Regije čine područja udruženih opština (član 1.); da Regija ima svojstvo pravnog lica sa pravima, obavezama i odgovornostima koje proizilaze iz Ustava, zakona i ovog dogovora (član 4.); da

Regija u okviru povjerenih poslova, pored ostalog, inicira razvojne planove i programe udruženih opština, obezbjeđuje sprovođenje zajedničkih priprema za opštenarodnu odbranu, preduzima mjere i obezbjeđuje uslove za funkcionisanje javne i državne bezbjednosti, razmatra pitanja iz ove oblasti sa stajališta organizovanja priprema, opremanja jedinica i osposobljavanja stanovništva za odbranu i zaštitu (član 8.); da dogovor stupa na snagu danom donošenja na skupštinama udruženih opština, a primjenjivaće se od dana kada ga potpišu ovlašteni predstavnici udruženih opština (član 19. stav 1.) i da će se dogovor objaviti u službenom glasniku udruženih opština (član 21.).

Osporavanom odlukom konstatuje se da Skupština opštine Lopare zaključuje Dogovor o udruživanju opštine Lopare u Autonomnu regiju Sjeveroistočna Bosna, određuje se lice koje će u ime Skupštine opštine potpisati Dogovor i utvrđuje da će se odluka objaviti u "Službenom glasniku opštine Lopare".

Prema Ustavu Republike Bosne i Hercegovine, u opštini radni ljudi i građani, između ostalog, neposredno i u odgovarajućim oblicima saradnje i povezanosti sa radnim ljudima i građanima u drugim opštinama, stvaraju i obezbjeđuju uslove za život (Amandman XLII tačka 1.). Opštine, koje su prostorno i ekonomski međusobno povezane, mogu se, radi racionalnijeg i efikasnijeg ostvarivanja zajedničkih interesa i potreba radnih ljudi i građana i usklađivanja društveno-ekonomskog razvoja, udruživati u zajednicu opština. Udruživanje opština u zajednicu opštine vrši se dogovorom koji zaključuju skupštine opština (Amandman XLII tačka 3.) Ustavom je nadalje određeno da se zakoni i drugi propisi i opšti akti organa društveno-političkih zajednica objavljuju prije nego što stupe na snagu, da se opštinski i drugi opšti akti objavljuju u Službenom glasniku određenom statutom opštine (član 219. stav 1. i 3.) i da zakoni i drugi propisi i opšti akti organa društveno-političkih zajednica stupaju na snagu najranije osmog dana od dana objavljivanja (član 220. stav 1.).

Iz navedenih ustavnih odredaba proizilazi da u opštini radni ljudi i građani neposredno i u odgovarajućim oblicima saradnje sa radnim ljudima i građanima u drugim opštinama stvaraju i obezbjeđuju uslove za život i rad i da se opštine mogu udruživati u zajednicu opština, ako se radi o opštinama koje su međusobno prostorno i ekonomski povezane, te da se to udruživanje vrši zaključivanjem dogovora. Cilj udruživanja opštine u zajednicu opština je racionalno i efikasno ostvarivanje zajedničkih interesa i potreba radnih ljudi i građana i usklađivanje društveno-ekonomskog razvoja.

S obzirom na navedene ustavne odredbe osporeni dogovor u čijem postupku usvajanja nisu učestvovali radni ljudi i građani opštine Lopare u smislu tačke 1. Amandmana XLII na Ustav Republike Bosne i Hercegovine, koji Autonomnoj regiji daje svojstvo pravnog lica i koji je stupio na snagu danom donošenja, prije nego što je objavljen u Službenom glasniku, po ocjeni Ustavnog suda, nije u saglasnosti sa Ustavom.

Ustavom Republike Bosne i Hercegovine određeno je da Republika uređuje sistem narodne odbrane i utvrđuje osnov planova i pripremni mjera u Republici, uređuje i organizuje teritorijalnu odbranu i civilnu zaštitu, uređuje i organizuje pripreme stanovništva, privrede, društvenih službi i državnih organa, a za vrijeme rata organizuje opštenarodni otpor na teritoriji i njime rukovodi (član 255. stav 1.), a teritorijalna odbrana u Republici i opštini organizuje se kao jedinstven sistem (član 206. stav 2.).

Zakonom o opštenarodnoj odbrani ("Službeni list SR BiH", br. 3/84, 17/87, 35/90 i 38/90), koji je bio na snazi u vrijeme

donošenja osporenih akata, bilo je propisano da društveno-političke zajednice, u okviru svojih prava i dužnosti utvrđenih ustavom u skladu sa sistemom opštenarodne odbrane, na svojoj teritoriji uređuju i organizuju opštenarodnu odbranu i društvenu samozaštitu, rukovode teritorijalnom odbranom, civilnom zaštitom i drugim pripremama za odbranu zemlje, a u slučaju napada na zemlju organizuju opštenarodni otpor i njime rukovode. Organizacija i priprema društveno-političkih zajednica u oblasti opštenarodne odbrane ostvaruju se u skladu sa osnovama planova i pripremni mjera za odbranu zemlje i osnovama priprema privrede i društvenih djelatnosti za funkcionisanje u ratu koje utvrđuje federacija, ovim zakonom i drugim propisima i Planom odbrane Republike (član 58.).

Zakonom o unutrašnjim poslovima ("Službeni list SR BiH", broj 18/90 - prečišćeni tekst, 28/90 i 38/90) odredbom koja je bila na snazi u vrijeme donošenja osporenog dogovora, bilo je propisano da se ovim zakonom uređuje jedinstvena služba javne bezbjednosti, uređuje i organizuje služba državne bezbjednosti u okviru prava i dužnosti Republike. Istim zakonom propisano je da unutrašnje poslove iz ovog zakona na teritoriji RBiH vrši Republički sekretarijat za unutrašnje poslove (član 5. stav 1.) i da Republički sekretarijat radi vršenja unutrašnjih poslova ima centre službi bezbjednosti i van svog sjedišta kao područne jedinice u čijem sastavu se za područje opštine obrazuje stanica javne bezbjednosti (član 26. stav 1.).

Iz navedenih ustavnih i zakonskih odredaba proizilazi da Republika i opština na svojoj teritoriji uređuju i organizuju opštenarodnu odbranu i društvenu samozaštitu u skladu sa sistemom opštenarodne odbrane, rukovode teritorijalnom odbranom, civilnom zaštitom i drugim pripremama za odbranu zemlje, a u slučaju napada na zemlju organizuju opštenarodni otpor i njime rukovode. Poslove javne bezbjednosti i poslove državne bezbjednosti u okviru prava i dužnosti Republike obavlja Ministarstvo unutrašnjih poslova na teritoriji Republike putem centara službi bezbjednosti i stanica javne bezbjednosti obrazovanih na području opštine.

Stoga je osporeni dogovor kojim su poslovi opštenarodne odbrane, javne i državne bezbjednosti koji se ostvaruju samo u Republici i opštini kao društveno-političkoj zajednici, preneseni na autonomnu regiju koja nema karakter društveno-političke zajednice, po ocjeni Ustavnog suda, u suprotnosti sa zakonom.

Ustavni sud konstatuje da donošenjem ove odluke o neustavnosti i nezakonitosti Dogovora istovremeno znači da prestaju i svi pravni efekti osporene Odluke.

Ustavni sud je odbacio zahtjev javnog pravobranioca opštine Lopare za ocjenjivanje zakonitosti sprovedenog referenduma za izdvajanje pojedinih naselja i sela iz područja opštine Lopare od 17. 11. 1991. godine, jer po navodima i podnosioca zahtjeva i Skupštine opštine Lopare, nije donesen akt o raspisivanju referenduma koji bi bio predmet ocjenjivanja.

U broj 196/91

10. decembra 1992. godine
Sarajevo

Predsjednik

Ustavnog suda BiH,
prof. dr Ismet Dautbašić, s.r.

Ustavni sud Bosne i Hercegovine, na osnovu člana 387. stav 1. tačka 2. Ustava Republike Bosne i Hercegovine i člana 72. tačka 3. Poslovnika Ustavnog suda Bosne i Hercegovine, na sjednici održanoj 24. 12. 1992. godine, donio je

ODLUKU

Ukida se Odluka o organizovanju Radne organizacije za proizvodnju i distribuciju toplote "Toplane-Sarajevo" Sarajevo

kao javnog preduzeća ("Službene novine grada Sarajeva", br. 21/89 i 21/90).

Ova odluka objaviće se u "Službenom listu RBiH" i "Službenim novinama grada Sarajeva".

Obrazloženje

Rješenjem Ustavnog suda Bosne i Hercegovine od 10. 3. 1992. godine, pokrenut je postupak za ocjenjivanje zakonitosti navedene odluke kojom je između ostalog, propisano da se Radna organizacija za proizvodnju i distribuciju toplote "Toplane-Sarajevo" kao organizacija od posebnog društvenog interesa za Grad, organizuje kao javno preduzeće (član 1.) i da će vršiti određene komunalne djelatnosti koje su nezamjenjiv uslov života i rada građana, privrednih i drugih subjekata na području Grada (član 4.). Za utvrđene djelatnosti vrši se finansiranje iz cijene komunalnih usluga, odnosno iz sredstava investitora (član 6.). Cijene komunalnih usluga utvrđuju se u skladu sa Smjernicama za sprovođenje politike cijena u komunalnoj oblasti, gradskom i prigradskom saobraćaju i Zajedničkim elementima za obrazovanje cijena proizvoda i usluga u komunalnoj oblasti, gradskom i prigradskom saobraćaju, koje donosi Skupština grada i na osnovu normativna za sve troškovne elemente (troškovi energije, sirovina, materijala, radne snage i dr.), koje verifikuju nadležni organi Grada. Cijenama usluga se obezbjeđuje pokrivanje troškova poslovanja u okviru proste reprodukcije, a dijelom i za potrebe razvoja, dok se sredstva za ukupnu proširenu reprodukciju obezbjeđuju iz sredstava "Toplane-Sarajevo", osnivača i društvenog fonda, što se utvrđuje posebnim razvojnim planovima (član 7.). Osnivač učestvuje u upravljanju "Toplanama-Sarajevo" u određivanju pravca razvoja i donošenju programa razvoja i u donošenju odluka o utvrđivanju cijena komunalnih usluga na osnovu Smjernica i Zajedničkih elemenata u politici cijena (član 9.). "Toplanama-Sarajevo" povjerava se na korišćenje društvena imovina u svrhu obavljanja djelatnosti iz člana 4. ove odluke (član 10.).

Zakonom o komunalnim djelatnostima ("Službeni list SRBiH", broj 20/90) propisano je da se odlukom skupštine opštine osniva javno komunalno preduzeće. Ovom odlukom bliže se određuju djelatnosti koje javno komunalno preduzeće vrši, uslovi pod kojima se vrši proizvodnja i promet proizvoda, odnosno obavljanje usluga, prava i obaveze osnivača u upravljanju javnim komunalnim preduzećem, način obrazovanja cijena proizvoda i usluga, kao i uslovi pod kojima javno komunalno preduzeće može povjeriti obavljanje komunalnih djelatnosti drugom preduzeću, odnosno radnom čovjeku koji osnuje radnju radi samostalnog obavljanja djelatnosti ličnim radom (član 4.).

Prema navedenoj odredbi Zakona, odlukom o osnivanju javnog komunalnog preduzeća određuju se, između ostalog, uslovi pod kojima se vrši proizvodnja i promet proizvoda, te način obrazovanja cijena proizvoda i usluga. Kako osporena odluka ne sadrži bliže određene uslove pod kojima se vrši proizvodnja i promet proizvoda, a cijene proizvoda i usluga utvrđuju se u skladu sa Smjernicama i Zajedničkim elementima kao posebnim aktima, to je, po ocjeni Ustavnog suda, navedena odluka u nesaglasnosti sa zakonom.

Na osnovu izloženog odlučeno je kao u dispozitivu.

U broj 10/92
24. decembra 1992. godine
Sarajevo

Predsjednik
Ustavnog suda BiH,
prof. dr Ismet Dautbašić, s. r.

Ustavni sud Bosne i Hercegovine, na osnovu člana 387. stav 1. tačka 1, člana 395. stav 4. Ustava Republike Bosne i Hercegovine i člana 72. tačka 2. Poslovnika Ustavnog suda Bosne i Hercegovine, na sjednici održanoj 24. 12. 1992. godine, donio je

ODLUKU

Utvrđuje se da su odredbe člana 26. stav 3. alineja 8, člana 42. i člana 69. stav 1. tačka 6. Zakona o stambenim odnosima ("Službeni list SRBiH", broj 14/84 - prečišćeni tekst i 12/87) prestale da važe.

Ova odluka objaviće se u "Službenom listu RBiH".

Obrazloženje

Ustavni sud Bosne i Hercegovine, Odlukom broj U-174/90 od 3. 10. 1991. godine ("Službeni list SRBiH", broj 35/91) utvrdio je da navedene odredbe Zakona o stambenim odnosima nisu u saglasnosti sa Ustavom.

Ovim odredbama propisano je da ugovor o korišćenju stana treba, pored ostalog, da sadrži i obavezu nosioca stanarskog prava da dozvoli predstavniku davaoca stana na korišćenje povremeni pregled stana (član 26. stav 3. alineja 8); da je nosilac stanarskog prava dužan, u skladu sa propisima skupštine opštine, dozvoliti ovlaštenom predstavniku stambenog organa, kao i davaocu stana na korišćenje odnosno ovlaštenom predstavniku zajednice stanovanja povremeni pregled stana u vezi sa primjenom odredaba ovog zakona, propisa skupštine opštine, društvenih dogovora i samoupravnih sporazuma, odnosno opštih akata o stambenim odnosima (član 42.) i da će se novčanom kaznom u iznosu od 10.000,00 do 15.000,00 dinara kazniti za prekršaj pojedinac koji ne dozvoli ovlaštenom predstavniku stambenog organa, kao i davaocu stana na korišćenje, odnosno ovlaštenom predstavniku zajednice stanovanja, povremeni pregled stana (član 69. stav 1. tačka 6.).

Odluka je 14. 11. 1991. godine dostavljena Skupštini Republike Bosne i Hercegovine. Odluka je, u smislu člana 395. stav 2. Ustava Republike Bosne i Hercegovine, počeo treći rok od šest mjeseci za usklađivanje navedenih odredaba Zakona sa Ustavom. Pošto u ovom roku Skupština Republike Bosne i Hercegovine nije uskladila navedene odredbe sa Ustavom, Ustavni sud je, saglasno članu 395. stav 4. Ustava Republike Bosne i Hercegovine, donio odluku kao u dispozitivu.

U broj 174/90
24. decembra 1992. godine
Sarajevo

Predsjednik
Ustavnog suda BiH
prof. dr Ismet Dautbašić, s. r.

Ustavni sud Bosne i Hercegovine, na osnovu člana 387. stav 1. tačka 1. i člana 395. stav 4. Ustava Republike Bosne i Hercegovine i člana 72. tačka 2. Poslovnika Ustavnog suda Bosne i Hercegovine, na sjednici održanoj 24. 12. 1992. godine, donio je

ODLUKU

Utvrđuje se da su odredbe člana 6. stav 1. Zakona o šumama ("Službeni list SRBiH", br. 11/78, 19/78 i 12/87) u dijelu koji glasi "i propisima skupštine opštine" i odredba člana 32. stav 3. istog zakona, prestale da važe.

Ova odluka objaviće se u "Službenom listu RBiH".

Obrazloženje

Ustavni sud Bosne i Hercegovine, Odlukom U broj 145/90 od 3. 10. 1991. godine ("Službeni list RBiH", broj 34/91), utvrdio je da navedene odredbe Zakona o šumama nisu u saglasnosti sa Ustavom.

Ovim odredbama propisano je da šumama na koje postoji pravo svojine gazduju njihovi vlasnici u skladu sa zakonom i propisima skupštine opštine (član 6. stav 1.) i da način uplate i trošenja sredstava, određivanje površine za pošumljavanje, kao i način odobravanja konačnog obračuna za sredstva iz prethodnog stava, propisuje skupština opštine (član 32. stav 3.).

Odluka je 11. 11. 1992. godine dostavljena Skupštini Republike Bosne i Hercegovine, od kada je, u smislu člana 395. stav 2. Ustava Republike Bosne i Hercegovine, počeo teći rok od šest mjeseci za uskladjivanje navedenih odredaba Zakona sa Ustavom. Pošto u ovom roku Skupština Republike Bosne i Hercegovine nije uskladila odredbe Zakona sa Ustavom, Ustavni sud je, saglasno članu 395. stav 4. Ustava Republike Bosne i Hercegovine, donio odluku kao u dispozitivu.

U broj 145/90
24. decembra 1992. godine
Sarajevo

Predsjednik
Ustavnog suda BiH,
prof. dr Ismet Dautbašić, s. r.

Ustavni sud Bosne i Hercegovine, na osnovu člana 387. stav 1. tačka 2. Ustava Republike Bosne i Hercegovine i člana 72. tačka 5. Poslovnika Ustavnog suda Bosne i Hercegovine, na sjednici održanoj 7. 1. 1993. godine, donio je:

ODLUKU

Odbijaju se prijedlozi Mješovitog građevinskog industrijskog preduzeća "Drina" dd Goražde, za ocjenjivanje zakonitosti odredbe člana 3. tačka d. Odluke o naknadama za vodoprivredu na području opštine Goražde, koju je Skupština opštine Goražde donijela 5. 7. 1991. godine ("Međuopštinski službeni glasnik", broj 11/91) i odredbe člana 3. tačka d. Odluke o naknadama za vodoprivredu na području opštine Goražde, koju je Skupština opštine Goražde donijela 19. 12. 1991. godine ("Međuopštinski službeni glasnik Sarajevo", broj 16/91).

Ova odluka objaviće se u "Službenom listu RBiH", i u "Međuopštinskom službenom glasniku Sarajevo".

Obrazloženje

Prijedlozima Mješovitog građevinskog industrijskog preduzeća "Drina" dd Goražde od 30. 10. 1991. godine i 31. 1. 1992. godine, pokrenut je postupak za ocjenjivanje zakonitosti navedenih odredaba odluka, kojima je propisano da su izvađeni pijesak, šljunak, kamen i drugi materijal osnovica za obračunavanje naknade za vodoprivredu i određena cijena po 1 m³.

Predlagatelj smatra da Skupština opštine Goražde nije mogla obavezati ovo preduzeće da plaća naknadu za vodoprivredu po osporenim odredbama odluka, jer je za određivanje ove naknade nadležan "Javni vodoprivredni fond BiH", prema kome je ovo preduzeće "izmirivalo sve zakonske obaveze", te su stoga ove odredbe odluka u suprotnosti sa zakonom.

U toku postupka utvrđeno je da je Skupština opštine Goražde, usvojila Odluku o osnivanju opštinskog vodoprivrednog društvenog fonda ("Međuopštinski službeni glasnik Sarajevo", broj 13/90 i 11/91), da je osporenim odlukama propisala obvezu naknada za vodoprivredu za izgradnju objekata za snabdijevanje vodom, da je utvrdila osnovice među kojima su i dijevanje vodom, da je utvrdila osnovice među kojima su i dijevanje pijesak, šljunak, kamen i drugi materijal, visinu ovih izvađeni pijesak, šljunak, kamen i drugi materijal, način njihovog obračunavanja i plaćanja i da je Odlukom, način njihovog obračunavanja i plaćanja i da je Odlukom od 5. 7. 1991. godine, prestala da važi donošenjem Odluke

o naknadama za vodoprivredu na području opštine Goražde, od 19. 12. 1991. godine.

Zakonom o izmjenama i dopunama Zakona o vodama ("Službeni list SRBiH", broj 10/90) propisano je da za obezbjeđenje sredstava i drugih uslova za izgradnju, održavanje i pogon osnovnih sredstava i drugih vodoprivrednih objekata, skupština opštine, odnosno skupština gradske zajednice može odlukom osnovati opštinski, odnosno gradski vodoprivredni društveni fond, da se odlukom iz prethodnog stava mogu utvrditi doprinosi i izvori sredstava, između ostalog i naknada za izgradnju objekata za snabdijevanje vodom i da se odlukom iz stava 1. ovog člana utvrđuju obveznici, osnovica za obračunavanje i plaćanje, način plaćanja i rokovi za plaćanje doprinosa i naknade (član 25.).

S obzirom na navedenu zakonsku odredbu Skupština opštine Goražde mogla je osnovati Opštinski vodoprivredni društveni fond, utvrditi naknadu za izgradnju objekata za snabdijevanje vodom, odrediti obveznike te naknade, osnovice za obračunavanje i plaćanje, među kojima su izvađeni pijesak, šljunak, kamen i drugi materijal, zatim visinu, način plaćanja i rokove za plaćanje ove naknade. Stoga, po ocjeni Ustavnog suda, osporena odredba člana 3. tačka d. Odluke od 5. 7. 1991. godine, u vrijeme važenja nije bila u suprotnosti sa zakonom, a odredba člana 3. tačka d. Odluke od 19. 12. 1991. godine nije u suprotnosti sa zakonom.

Na osnovu izloženog odlučeno je kao u dispozitivu.

U broj 184/91
7. januara 1993. godine
Sarajevo

Predsjednik
Ustavnog suda BiH,
prof. dr Ismet Dautbašić, s. r.

Uprava za boračko-invalidsku zaštitu Republike Bosne i Hercegovine

Na osnovu člana 49. stav 4. Zakona o osnovnim pravima vojnih invalida i porodica palih boraca ("Službeni list SFRJ", br. 68/81, 41/83, 75/85, 44/89, 87/89, 20/90 i 42/90), koji je preuzet Uredbom sa zakonskom snagom o preuzimanju i primjenjivanju saveznih zakona koji se u Bosni i Hercegovini primjenjuju kao republički zakoni ("Službeni list RBiH", broj 2/92) direktor Uprave za boračko-invalidsku zaštitu Republike Bosne i Hercegovine, izdaje

NAREDBU

O USKLADIVANJU MJESEČNIH NOVČANIH IZNOSA LIČNE INVALIDNINE, PORODIČNE INVALIDNINE I UVEĆANE PORODIČNE INVALIDNINE, DODATKA ZA NJEGU I POMOĆ OD STRANE DRUGOG LICA I ORTOPEDSKOG DODATKA

I

Mjesečni novčani iznos lične invalidnine, porodične invalidnine i uvećane porodične invalidnine, dodatka za njegu i pomoć od strane drugog lica i ortopedskog dodatka, povećavaju za 32,30%, počev od 1. oktobra 1992. godine, a tako uvećani iznosi povećavaju se za daljih 72,60% počev od 1. novembra 1992. godine.

II

Povećanja iz tačke I ove naredbe izvršiće se na iznose utvrđene Naredbom o uskladjivanju mjesečnih novčanih iznosa lične invalidnine, porodične invalidnine i uvećane porodične invalidnine, dodatka za njegu i pomoć od strane drugog lica i ortopedskog dodatka, počev od 1. septembra 1992. godine ("Službeni list RBiH", broj 21/92).

6. Najniži iznos penzije koji se obezbjeđuje osiguranicima iz člana 43. stav 2. Zakona o penzijskom i invalidskom osiguranju iznosi 8.295 BHD.

7. Uskladjivanje penzija i novčanih naknada po ovom saopštenju izvršiće se po službenoj dužnosti bez donošenja rješenja.

8. Ovo saopštenje objaviće se u "Službenom listu Republike Bosne i Hercegovine".

Broj BD-01-19/93

29. januara 1993. godine

Sarajevo

Direktor
Luka Šijaković, s. r.

Na osnovu člana 30. Zakona o osnovnim pravima iz penzijskog i invalidskog osiguranja ("Službeni list SFRJ", br. 23/82, 77/82, 75/85, 8/87, 65/87, 87/89 i 44/90) koji je preuzet kao Republički zakon Uredbom sa zakonskom snagom o preuzimanju saveznih zakona koji se u Bosni i Hercegovini primjenjuju kao republički zakoni ("Službeni list RBiH", broj 2/92) i člana 84. Statuta Društvenog fonda za penzijsko i invalidsko osiguranje Bosne i Hercegovine ("Službeni list SRBiH", broj 25/91), direktor Društvenog fonda za penzijsko i invalidsko osiguranje Bosne i Hercegovine, izdaje

SAOPŠTENJE

O USKLADIVANJU PENZIJA I NOVČANIH NAKNADA SA KRETANJEM LIČNIH DOHODAKA U NOVEMBRU 1992. GODINE

1. Starosne, invalidske i porodične penzije i penzije vojnih osiguranika (u daljem tekstu: penzije), novčane naknade po osnovu preostale radne sposobnosti za osiguranike samostalnih djelatnosti i druge osiguranike koji nisu u radnom odnosu, novčane naknade za vrijeme čekanja na zaposlenje djece ometene u fizičkom ili psihičkom razvoju, novčane naknade za tjelesno oštećenje i novčane naknade za pomoć i njegu (u daljem tekstu: novčane naknade) uskladjuju se sa kretanjem ličnih dohodaka svih zaposlenih radnika u Republici Bosni i Hercegovini u novembru 1992. godine u odnosu na oktobar 1992. godine i povećavaju se za 76,802% od 1. decembra 1992. godine.

2. Uskladjivanje iz prethodne tačke primjenjuje se na iznos penzije i novčane naknade nakon uskladjivanja po Saopštenju o uskladjivanju penzija i novčanih naknada sa kretanjem ličnih dohodaka u oktobru 1992. godine ("Službeni list Republike Bosne i Hercegovine", broj ??/92).

3. Invalidske penzije određene po osnovu člana 36. stav 2. Statuta Društvenog fonda za penzijsko i invalidsko osiguranje Bosne i Hercegovine, kod kojih penzijski osnov predstavlja lični dohodak ostvaren u periodu od 1. januara do 31. oktobra 1992. godine, uskladjuju se sa kretanjem ličnih dohodaka u novembru 1992. godine u odnosu na prosječan lični dohodak iz perioda januar - oktobar 1992. godine i povećavaju za 576,184% počev od dana sticanja prava na penziju.

4. Povećanje iz prethodne tačke primjenjuju se na iznos penzije određene od penzijskog osnova.

5. Zajamčena penzija koja se obezbjeđuje osiguranicima iz člana 43. stav 1. Zakona o penzijskom i invalidskom osiguranju ("Službeni list SRBiH", br. 38/90 i 22/91), nakon uskladjivanja od 1. decembra 1992. godine i iznosi 51.354 BHD.

6. Najniži iznos penzije koji se obezbjeđuje osiguranicima iz člana 43. stav 2. Zakona o penzijskom i invalidskom osiguranju iznosi 14.666 BHD.

7. Uskladjivanje penzija i novčanih naknada po ovom saopštenju izvršiće se po službenoj dužnosti bez donošenja rješenja.

8. Ovo saopštenje objaviće se u "Službenom listu Republike Bosne i Hercegovine".

Broj BD-01-20/93

29. januara 1993. godine

Sarajevo

Direktor
Luka Šijaković, s. r.

Javno preduzeće Elektroprivreda Bosne i Hercegovine

Na osnovu člana 12. Uredbe sa zakonskom snagom o Javnim preduzećima ("Službeni list RBiH", br. 4/92 i 21/92) i člana 10. Poslovnika o radu Privremenog upravnog odbora, Privremeni upravni odbor na sjednici održanoj 17. decembra 1992. godine, donio je

ODLUKU

O STAVLJANJU VAN SNAGE KRITERIJA ZA UMANJENJE TARIFNIH STAVOVA ZA PRODAJU ELEKTRIČNE ENERGIJE

Član 1.

Kriteriji za umanjenje tarifnih stavova za prodaju električne energije br. RS-5882-2-3/91. od 21. novembra 1991. godine ("Službeni list SRBiH", broj 6/92) stavljaju se van snage.

Član 2.

Ova odluka, nakon što je Vlada Republike Bosne i Hercegovine na nju dala saglasnost, stupa na snagu danom objavljivanja u "Službenom listu RBiH".

UO-V-2444-9/92

17. decembra 1992. godine

Sarajevo

Predsjednik Privremenog

upravnog odbora,

dr Salih Čaršimamović, s. r.

Na osnovu člana 12. i člana 47. stav 2. Zakona o elektroprivredi ("Službeni list SRBiH", br. 16/78, 40/82 i 10/92) i čl. 99. i 163. Statuta Javnog preduzeća za proizvodnju, prenos i distribuciju električne energije Elektroprivreda Bosne i Hercegovine ("Službeni list SRBiH", broj 21/90), Privremeni upravni odbor Javnog preduzeća, na sjednici održanoj 17. decembra 1992. godine, donio je

ODLUKU

O IZMJENAMA I DOPUNAMA OPŠTIH USLOVA ZA ISPORUKU ELEKTRIČNE ENERGIJE

Član 1.

U Opštim uslovima za isporuku električne energije ("Službeni list SRBiH", broj 6/92) u članu 2. dodaje se stav 3. koji glasi:

"Odredba prethodnog stava odnosi se i na korištenje električne energije kod iznajmljivanja ili davanja u zakup poslovnog ili stambenog prostora."

Član 2.

U članu 4. na kraju teksta, umjesto tačke stavlja se zarez i dodaju riječi:

"kao i inostrana pravna i fizička lica".

Član 3.

U članu 50. dodaje se novi stav 2. koji glasi:

"Izuzetno od odredbe prethodnog stava, u slučaju neposredne ratne opasnosti i ratnog stanja, koje proglasi za to nadležni organ, isporučilac nije obavezan vršiti kontinuirano snabdijevanje kvalitetnom električnom energijom, kada je to onemogućeno okolnostima takvog stanja".

Član 4.

U članu 64. dodaje se novi stav 3. koji glasi:

"U slučajevima kad vlasnik - potrošač prodaje ili daje u zakup preduzeće ili dio preduzeća, poslovni ili stambeni prostor domaćem ili stranom pravnom ili fizičkom licu, dužan je o tom obavijestiti isporučioa, najkasnije u roku od tri dana prije fizičke predaje objekta ili prostora".

Član 5.

U članu 81. tekst u zagradi mijenja se i glasi:

"(sa žigom nadležne institucije za mjere)".

Član 6.

Iza člana 89. dodaje se podnaslov koji glasi:

"Način obračuna, fakturisanja i plaćanja isporučene električne energije".

Član 7.

U članu 93. dodaje se novi stav 5. koji glasi:

"Izuzetno od odredbi prethodnih stavova potrošač može sam vršiti očitavanje brojila i plaćati u rokovima utvrđenim ovim uslovima".

Član 8.

Iza člana 96. dodaje se novi član 96a. koji glasi:

"Član 96a.

Izuzetno od odredbi čl. 90. i 95. i člana 96. stav 2. Uslova, u uslovima neposredne ratne opasnosti ili ratnog stanja očitavanje brojila, odnosno utvrđivanje potrošnje električne energije, obračun fakturisanja, naplata i plaćanje električne energije vrši se i na slijedeći način:

1) Na mjesima gdje nije moguće izvršiti očitavanje brojila isporučilac vrši proračun potrošnje električne energije, a na osnovu potrošnje ostvarene u prethodnom periodu i kontinuiteta u snabdijevanju i potrošnji električne energije;

2) Na osnovu utvrđene potrošnje isporučilac vrši obračun uz primjenu važećih tarifnih stavova i ispostavlja račun za utrošenu električnu energiju. Kod potrošača sa dvotarifnim brojiлом kada nije bila pravilna registracija utroška u doba većih i manjih dnevnih tarifnih stavova obračun ukupno utrošenih količina električne energije izvršiće se po tarifnim stavovima za potrošače sa jednotarifnim brojiлом;

3) Ukoliko isporučilac nije u mogućnosti dostaviti potrošaču račun, o čemu ga obavještava na pogodan način, potrošač je dužan izvršiti plaćanje utrošene električne energije u visini računa za prethodno obračunski period, odnosno računa za kontinuiranu potrošnju, uz obavezno uvećanje za procenat izvršnog povećanja cijena električne energije;

4) Utvrđivanje ostvarene potrošnje, konačni obračun i plaćanje izvršiće se nakon stvaranja uslova za očitavanje brojila i obračun, o čemu je isporučilac dužan obavijestiti potrošača;

5) Elektrodistributivno preduzeće, odnosno njegovi dijelovi, dužni su o uslovima, načinu i mjestu gdje se može izvršiti plaćanje električne energije, obavijestiti potrošače putem lokalnih sredstava informisanja, ili na drugi pogodan način.

Primjena odredbi prethodnog stava vrši se na jedinstven način prema Uputstvu, kojeg donosi nadležni organ Javnog preduzeća Elektroprivreda BiH".

Član 9.

U članu 103. na kraju teksta umjesto tačke stavlja se zarez i dodaju riječi:

"kao i neposredna ratna opasnost i ratno stanje".

Član 10.

U članu 109. dodaje se novi stav 4. koji glasi:

"Izuzetno, u uslovima neposredne ratne opasnosti ili ratnog stanja neće se primjenjivati odredbe stava 3. nego odredbe stava 2. ovog člana".

Član 11.

Nakon stupanja na snagu ove Odluke Privremeni upravni odbor utvrdit će prečišćeni tekst Opštih uslova za isporuke električne energije.

Član 12.

Ova odluka, nakon što je Vlada Republike Bosne i Hercegovine dala na nju saglasnost, stupa na snagu danom objavljivanja u "Službenom listu RBiH".

Broj UO-V-2444-8/92 Predsjednik Privremenog
17. decembra 1992. godine upravnog odbora,
Sarajevo dr Salih Čaršimamović, s.r.

Na osnovu člana 12. i člana 47. stav 2. Zakona o elektroprivredi ("Službeni list SRBiH", br. 16/78, 40/82 i 10/92) i čl. 99. i 163. Statuta Javnog preduzeća za proizvodnju, prenos i distribuciju električne energije Elektroprivreda Bosne i Hercegovine ("Službeni list SRBiH", broj 21/92) Privremeni upravni odbor Javnog preduzeća na sjednici održanoj 17. decembra 1992. godine, donio je

ODLUKU

O IZMJENAMA I DOPUNAMA TARIFNOG SISTEMA
ZA PRODAJU ELEKTRIČNE ENERGIJE

Član 1.

U Tarifnom sistemu za prodaju električne energije ("Službeni list SRBiH", broj 6/92) u članu 9. dodaje se stav 3. koji glasi:

"Izuzetno od odredbe prethodnog stava ovog člana za potrošače sa kojima se posebno ugovara cijena električne energije kao i za isporuke električne energije elektroprivredama drugih država te za inostrana pravna ili fizička lica ne primjenjuju se utvrđeni tarifni stavovi prema ovom Tarifnom sistemu, nego se cijena električne energije utvrđuje u ugovoru ili odlukom nadležnog organa isporučioa".

Član 2.

U članu 16. stav 2. riječi: "drugih elektroprivreda", brišu se.

Član 3.

Član 22. mijenja se i glasi:

"Član 22.

Sa potrošačima čija je ugovorena snaga veća od 10.000 KW, ugovorom se utvrđuju tarifni stavovi, a može se utvrditi i prosječna cijena za električnu energiju za određeni vremenski period.

Kod utvrđivanja tarifnih stavova za potrošače iz prethodnog stava ovog člana polazi se od: tarifnih stavova utvrđenih primjenom ovog Tarifnog sistema za odgovarajući naponski nivo (kategoriju potrošača), cijena električne energije u zapadnoevropskim zemljama za potrošače iste djelatnosti i cijena proizvoda koje potrošač postiže u izvozu.

Sa potrošačem iz stava 1. ovog člana, može se ugovorom regulisati da ustupa isporučioa svoja prava na otkup deviza, u visini vrijednosti preuzete električne energije ili proporcionalnog dijela koji mu ostaje na raspolaganju".

Član 4.

Član 23. briše se.

Član 5.

Član 39. mijenja se i glasi:

"Član 39.

Potrošači u kategoriji potrošnje u domaćinstvu, zavisno od količine preuzete električne energije i načinu mjerenja, razvrstavaju se u slijedeće tarifne grupe:

- tarifna grupa potrošača koji su u mjesečnom obračunskom periodu preuzeli do 100 kWh sa jednotarifnim brojiлом (I tarifna grupa) i sa dvotarifnim brojiлом (II tarifna grupa);

- tarifna grupa potrošača koji su u mjesečnom obračunskom periodu preuzeli više od 100 do 300 kWh sa jednotarifnim brojiлом (III tarifna grupa) i sa dvotarifnim brojiлом (IV tarifna grupa);

- tarifna grupa potrošača koji su u mjesečnom obračunskom periodu preuzeli više od 300 do 600 kWh sa jednotarifnim brojiлом (V tarifna grupa) i sa dvotarifnim brojiлом (VI tarifna grupa) i

- tarifna grupa potrošača koji su u mjesečnom obračunskom periodu preuzeli preko 600 kWh sa jednotarifnim brojiлом (VII tarifna grupa) i sa dvotarifnim brojiлом (VIII tarifna grupa)".

Član 6.

Član 40. mijenja se i glasi:

"Član 40.

Obračunska snaga, za potrošače u kategoriji potrošnje u domaćinstvu, utvrđuje se na bazi prosječnog vršnog opterećenja i to za potrošnju električne energije:

- do 100 kWh iznosi 2 kW;

- više od 100 kWh do 300 kWh iznosi 5 kW;

- više od 300 kWh do 600 kWh iznosi 7 kW i

- preko 600 kWh iznosi 9 kW.

Tarifni stav za obračunsku snagu za pojedine grupe potrošnje iz prethodnog člana utvrđuju se na osnovu prosječnog vršnog opterećenja iz prethodnog stava.

Obračunska snaga pojedinog potrošača utvrđuje se za potrošnju električne energije:

- do 100 kWh u visini jediničnog iznosa - tarifnog stava za obračunsku snagu I ili II tarifne grupe,

- više od 100 kWh do 300 kWh u visini jediničnog iznosa - tarifnog stava za obračunsku snagu III ili IV tarifne grupe,

- više od 300 kWh do 600 kWh u visini jediničnog iznosa - tarifnog stava za obračunsku snagu V ili VI tarifne grupe i

- preko 600 kWh u visini jediničnog iznosa - tarifnog stava za obračunsku snagu VII ili VIII tarifne grupe.

Obračunska snaga obračunava se za mjesečno razdoblje".

Član 7.

Član 41. mijenja se i glasi:

"Član 41.

Odnosi tarifnih stavova za aktivnu energiju, za potrošače u kategoriji potrošnje u domaćinstvu, prema potrošnji električne energije su:

- potrošnja do 100 kWh	1
- više od 100 kWh do 300 kWh	1,5
- više od 300 kWh do 600 kWh	2,0
- preko 600 kWh	2,5

Tarifni stav za aktivnu energiju za potrošače sa jednotarifnim brojiлом utvrđuje se tako da se veći dnevni tarifni stav odgovarajuće sezone i grupe utvrđen za potrošače sa dvotarifnim brojiлом množi faktorom 0,8".

Član 8.

Iza člana 41. dodaje se novi član 41a. koji glasi:

"Član 41a.

Obračun aktivne energije za potrošače u kategoriji potrošnje u domaćinstvu, vrši se na slijedeći način:

- za potrošnju do 100 kWh obračun aktivne energije vrši se tako da se tarifni stavovi za aktivnu energiju I ili II grupe množe sa ostvarenom potrošnjom;

- za potrošnju više od 100 kWh do 300 kWh obračun se vrši tako da se 100 kWh množi tarifnim stavovima za aktivnu energiju I ili II grupe, ostali dio potrošnje preko 100 kWh se množi tarifnim stavovima III ili IV grupe, a zbir oba iznosa je iznos za aktivnu energiju;

- za potrošnju više od 300 kWh do 600 kWh obračun se vrši tako da se 100 kWh množi sa tarifnim stavovima za aktivnu energiju I ili II grupe, 200 kWh se množi sa tarifnim stavovima III ili IV grupe, ostali dio potrošnje preko 300 kWh se množi tarifnim stavovima V ili VI grupe, a zbir sva tri iznosa je iznos za aktivnu energiju;

- za potrošnju preko 600 kWh, obračun se vrši tako da se 100 kWh množi tarifnim stavovima za aktivnu energiju I ili II grupe, 200 kWh se množi tarifnim stavovima III ili IV grupe, 300 kWh se množi tarifnim stavovima V ili VI grupe, ostali dio potrošnje preko 600 kWh se množi tarifnim stavovima VII ili VIII grupe, a zbir sva četiri iznosa je iznos za aktivnu energiju.

Za potrošače koji su u mjesečnom obračunskom periodu preuzeli preko 600 kWh i koji su ostvarili učešće potrošnje u manjim dnevnim tarifnim stavovima 70% ili više, obračun aktivne energije vrši se tako da se iznos za svu potrošnju u doba manjeg dnevnog stava množi faktorom 0,7.

Za obračun se primjenjuju veći i manji dnevni tarifni stavovi potrošačima koji imaju dvotarifna brojila.

Ukupni postignuti odnos dnevnih tarifnih stavova za obračunski period primjenjuje se i za pojedine grupe."

Član 9.

U članu 42. stav 3. mijenja se i glasi:

"Obračun električne energije za dirigovanu potrošnju električne energije vrši se tako da se iznos za svu dirigovanu potrošnju množi faktorom 0,6".

Član 10.

Član 43. briše se.

Član 11.

Nakon stupanja na snagu ove odluke Privremeni upravni odbor utvrdiće prečišćeni tekst Tarifnog sistema za prodaju električne energije.

Član 12.

U čl. 17. i 53. Tarifnog sistema za prodaju električne energije briše se riječ "Socijalističke".

Član 13.

Ova Odluka, nakon što je Vlada Republike Bosne i Hercegovine dala na nju saglasnost, stupa na snagu danom objavljivanja u "Službenom listu RBiH".

Broj UO-V-2444-7/92
17. decembra 1992. godine
Sarajevo

Predsjednik Privremenog
upravnog odbora,
dr Salih Čaršimović, s.r.

SLUŽBENE OBJAVE

KONKURSI

Saobraćajni fakultet Sarajevo raspisuje

KONKURS

za izbor jednog nastavnika za predmet

"ENERGETIKA U SAOBRAĆAJU" sa fondom sati u IV semestru 3+2

USLOVI: Kandidat treba da ispunjava uslove utvrdene Zakonom o univerzitetu i Statutom Saobraćajnog fakulteta Sarajevo

Uz prijavu na konkurs treba priložiti:

- kopiju diplome o završenom fakultetu,
- kopiju diplome o naučnom stepenu - doktoratu,
- biografiju,
- po mogućnosti naučne radove ili kratak pregled istih.

Prijave se predaju lično na Fakultet - Sarajevo, Skenderija 35.

Konkurs ostaje otvoren osam dana od dana objavljivanja.

(so-01-16/93)

IZGUBLJENI PEČATI

Oglašavaju se nevažećim pečati 30x30 mm i 20x20 mm sa grbom "UNIONINVEST" i tekstom: UNIONINVEST PREDUZEĆE ELEKTROINDUSTRIJSKA IZGRADNJA SARAJEVO, sa oznakom od 1 do 5. (so-

Oglašava se nevažećim pečat okruglog oblika 3 mm sa sljedećim sadržajem: REPUBLIKA BOSNA I HERCEGOVINA, UDRUŽENJE GRADANA ZA POMOĆ I OBNOVU PODRUČJA ŽEPE, GLAVNI ODBOR SARAJEVO (so-2/93)

Oglašava se nevažećim ček broj 01453601 od 21. 01. 1993. godine na iznos od din. 11.888.660,00 sa okruglim pečatom UMC RO "UDRUŽENE APOTEKE", n. sol. o. - Sarajevo, OOUR Apoteka "Sarajevo" - Sarajevo (oznaka 2). (so-5/93)

Oglašavaju se nevažećim:

- pečat okruglog oblika promjera 30 mm sa sadržajem: Srpsko dobrotvorno društvo "DOBROTVOR" Sarajevo sa amblemom Društva u sredini, koji predstavlja stilizovanu četvorolisnu djetelinu koja oblikuje pravoslavni krst;

- pečat kvadratnog oblika dim. 23x23 mm, sa sadržajem: Srpsko dobrotvorno društvo "Dobrotvor" Sarajevo sa amblemom Društva u sredini;

- akreditacija aktivista Društva dim. 86x56 mm sa natpisom: "Biro za saradnju sa međunarodnim humanitarnim organizacijama i UNPROFOR-om" (tekst ispisan latiničnim pismom), koji je napisan na engleskom jeziku, u čijem desnom gornjem uglu se nalazi amblem Društva. (so-8/93)

Oglašava se nevažećim pečat okruglog oblika, promjera 30 mm sa sadržajem: Preduzeće "MIX-M" p. o. Sarajevo 1.

(so-9/93)

Oglašava se nevažećim pečat okruglog oblika, promjera 3 cm, sadržine: PRIVATNO PREDUZEĆE SCHULLER y CO zaokruženo i sa tri strelice sa strana. (so-14/93)

Oglašava se nevažećim pečat okruglog oblika, promjera 2,5 mm sa sadržajem: "PP za unutrašnju i vanjsku trgovinu "RAŽANICA" P.O. Ilidža. (so-14/93)

Oglašava se nevažećim štambilj prečnika 30 mm sa grbom Republike Bosne i Hercegovine u sredini i brojem 2 ispod grba i tekstom: "Republika Bosna i Hercegovina, Grad Sarajevo, Zavod za izgradnju grada Sarajevo". (so-10/93)

Oglašavaju se nevažećim svi pečati i štambilji SOUR UMC-a, radnih organizacija koje su poslovale u njegovom sastavu i osnovnih organizacija i radnih zajednica u njihovom sastavu kao i drugih subjekata koji su prestali da postoje ulaskom u sastav Kliničkog centra Univerziteta u Sarajevu i to:

OOUR INSTITUT ZA MIKROBIOLOGIJU, IMUNOLOGIJU I PARAZITOLOGIJU "Dr. R. FRIED"; OOUR INSTITUT ZA KLINIČKU BIOHEMIJU; RO HIRURŠKE DISCIPLINE; OOUR ORTOPEDSKA KLINIKA; OOUR KLINIKA ZA BOLESTI UHA, GRCLA I NOSA; OOUR KLINIKA ZA OČNE BOLESTI; OOUR KLINIKA ZA MAKSILOFACIJALNU HIRURGIJU; OOUR INSTITUT ZA TRANSPLATACIJU ORGANA; OOUR ZAVOD ZA VASKULARNA OBOLJENJA "Dr E. GRIN"; OOUR TRAUMATOLOŠKA KLINIKA; OOUR KLINIKA ZA ABDOMINALNU HIRURGIJU; OOUR KLINIKA ZA TORAKALNU I VASKULARNU HIRURGIJU; OOUR KLINIKA ZA NEUROHIRURGIJU; OOUR KLINIKA ZA DJEČIJU HIRURGIJU; OOUR KLINIKA ZA UROLOGIJU; OOUR KLINIKA ZA REKONSTRUKTIVNU I PLASTIČNU HIRURGIJU; OOUR KLINIKA ZA OPŠTU I GLANDULARNU HIRURGIJU; OOUR CENTAR ZA ANESTEZIJU I REANIMACIJU; RZ ZA ZAJEDNIČKE MEDICINSKE POSLOVE; RO INTERNE DISCIPLINE; OOUR KLINIKA ZA BOLESTI SRCA I REUMATIZMA; OOUR INSTITUT ZA NEFROLOGIJU; OOUR ZAVOD ZA NUKLEARNU MEDICINU; OOUR KLINIKA ZA KOŽNE I VENERIČNE BOLESTI "Dr. S. MILOŠEVIĆ"; OOUR KLINIKA ZA INFEKTIVNE BOLESTI; OOUR KLINIKA ZA HEMATOLOGIJU; OOUR KLINIKA ZA ENDOKRINOLOGIJU, DIJABETES I BOLESTI METABOLIZMA; OOUR GASTROENTEROLOŠKA KLINIKA; OOUR KLINIKA ZA NESPECIFIČNA PLUČNA OBOLJENJA "PODHRASTOVI"; RO NEUROPSIHIJATRIJSKE DISCIPLINE; OOUR PSIHIJATRIJSKA KLINIKA; OOUR NEUROLOŠKA KLINIKA; OOUR CENTAR ZA MENTALNO ZDRAVLJE; RO INSTITUTU ZA FIZIJATRIJU I REHABILITACIJU ILIDŽA; RO KLINIKA ZA ZAŠTITU ZDRAVLJA ŽENE I DJETETA; OOUR KLINIKA ZA GINEKOLOGIJU I AKUŠERSTVO "Dr. Z. MUIDOVIĆ"; OOUR KLINIKA I POLIKLINIKA ZA DJEČIJE BOLESTI "PROF. DR M. SARVAN"; RO INSTITUT ZA RADIOLOGIJU I ONKOLOGIJU; RO UDRUŽENE APOTEKE "SARAJEVO" OOUR KLINIČKA APOTEKA "KOŠEVO"; INSTITUT ZA PATOLOŠKU ANATOMIJU; INSTITUT ZA HUMANU GENETIKU; ZAVOD ZA KLINIČKU FARMAKOLOGIJU; USLUŽNE DJELATNOSTI; OOUR ISHRANA; OOUR TRANSPORT; OOUR IZGRADNJA I ODRŽAVANJE; OOUR PRAONICA RUBLJA; OOUR ENERGETIKA I ODRŽAVANJE; KLINIČKI CENTAR U OSNIVANJU; RADNA ZAJEDNICA ZAJEDNIČKIH POSLOVA SOUR-UMC; RADNA ZAJEDNICA RO HIRURŠKE DISCIPLINE; RADNA ZAJEDNICA RO INTERNE DISCIPLINE; RADNA ZAJEDNICA RO NEUROPSIHIJATRIJSKE DISCIPLINE; RADNA ZAJEDNICA RO KLINIKA ZA ZAŠTITU ZDRAVLJA ŽENE I DJETETA; RADNA ZAJEDNICA RO USLUŽNE DJELATNOSTI I RADNA ZAJEDNICA RO UDRUŽENE APOTEKE.

DA BI SE IZBJEGLA SVAKA ZLOUPO- TREBA OGLAŠAVAJU SE NEVAŽEĆIM SLJEDEĆI DOKUMENTI I LIČNE ISPRAVE

Milutinović Milorad, pasoš br. BHR 603292 od 18. 10. 1990. izdat od SUP-a Sarajevo	1616	Džemidžić Mirzeta, radna knjižica izdata od SO Novi Grad Sarajevo	1663
Miletić Vjekoslav, pasoš br. BHR 701882 od 1. 4. 1991. izdat od SUP-a Sarajevo	1617	Škaljić Halil, pasoš br. BHR 376288 od 1. 3. 1990. izdat od SUP Sarajevo	1664
Hodžić Mirsada, radna knjižica izdata od SO Novi Grad Sarajevo	1618	Telalbašić Fatima, pasoš br. 917883 od 4. 12. 1987. izdat od SUP Sarajevo	1665
Ušanović Avdo, pasoš br. BHR 703395 od 18. 4. 1991. izdat od SUP Sarajevo	1619	Govedarica Brena, ček. karta br. 0045289 PBS KB Sarajevo	1666
Semiz Sandra, pasoš br. BHR 479617 od 18. 7. 1990. izdat od SUP Sarajevo	1620	Cicović Vesna, pasoš br. BHR 270883 od 24. 10. 1989. izdat od SUP-a Sarajevo	1667
Semiz Elmira, pasoš br. BHR 685508 od 16. 7. 1986. izdat od SUP Sarajevo	1621	Miličić Zorica, pasoš br. BH 628339 od 16. 5. 1986.	1668
Bašagić Zulejha, ček. karta br. 0411093 PBS KB Sarajevo	1622	Karin Krešimir, radna knjižica izdata od SO Centar Sarajevo	1669
Agic Mina, radna knjižica izdata od SO Ilidža	1623	Hadžović Ismet, pasoš br. BHR 700982 od 12. 3. 1991. izdat od SUP Sarajevo	1670
Fazlić Zejnil, radna knjižica izdata od SO Centar Sarajevo	1624	Čehović Midhat, pasoš br. BH 405783 od 25. 1. 1985. izdat od SUP Sarajevo	1671
Fazlić Almir, radna knjižica izdata od SO Novo Sarajevo	1625	Žiško Izet, pasoš br. BHR 479154 od 22. 6. 1990. izdat od SUP Sarajevo	1672
Izmirlić Abid, pasoš br. BHR 631893 od 7. 11. 1990. izdat od SUP Sarajevo	1626	Kurtović Mehmed, radna knjižica izdata od SO Centar Sarajevo	1673
Vuković Vesna, diploma o završenom Filozofskom fakultetu odsjek Istorija jugoslov. književnosti i hrvatsko-srpskog jezika Sarajevo	1627	Sućeska-Mandžukić Edina, pasoš br. BHR 950661 od 1. 4. 1992. izdat od SUP-a Sarajevo	1674
Čaušević Kanita, čekovna karta br. 012003450 PBS KB Sarajevo	1628	Mandžukić Nedim, pasoš br. 950664 izdat 1. 4. 1992. od SUP-a Sarajevo	1675
Gackić Vildana, pasoš br. BHR 737097 izdat od SUP-a Sarajevo	1629	Kaliman Vahid, čekovna karta br. 0795446 izdata od PB Sarajevo	1676
Izmirlić Sabaheta, radna knjižica izdata od SO Srebrenica	1630	Kurtović Mehmed, svjedocanstvo o završenom ispitu izdato od Škole učenika u privredi Sarajevo	1677
Ahmić Samra, index Pravnog fakulteta br. 40461 Sarajevo	1631	Ahmić Jasmina, radna knjižica izdata od SO Centar Sarajevo	1678
Dorđević Jugoslav, dozvola za rad taxi auta br. 90 od 28. 12. 1990. za vozilo VW Golf YXD izdata od SO Centar Sarajevo	1632	Arslanagić Affan, pasoš br. BHR 804186 od 6. 9. 1991. izdat od SUP Sarajevo	1679
Klinić Berka, pasoš br. BH 734048 od 17. 11. 1986. izdata od SUP-a Sarajevo	1633	Štaka Zlatko, pasoš br. BH 309856 izdat od SUP Sarajevo	1680
Kovačević Goran, pasoš br. BH 598256 izdat od SUP-a Centar Sarajevo	1634	Krsto Branko, pasoš br. BH 366788 izdat od SUP Sarajevo	1681
Acimović Slobodan, pasoš br. 802240 izdat od SUP Centar Sarajevo	1635	Džigal Husko, pasoš br. BH 996895 od 30. 6. 1988. izdat od SUP Sarajevo	1682
Čanić Salko, radna knjižica izdata od SO Tuzla	1636	Jovović Srdan, pasoš br. BHR 278178 od 3. 11. 1989. izdat od SUP Sarajevo	1683
Čaušević-Mulalić Ašida, pasoš br. BHR 603799 od 16. 10. 1990. izdat od SUP-a Sarajevo	1637	Radonjić Sanja, pasoš br. BHR 473437 od 1. 6. 1990. izdat od SUP Sarajevo	1684
Ručić Behija, radna knjižica izdata od SO Vogošća	1638	Mirica Nedžad, radna knjižica	1685
Bilalović Nuriya, radna knjižica izdata od SO Trebinje	1639	Zelihić Dubravka, pasoš br. BH 736048 izdat od SUP Sarajevo 7. 11. 86.	1686
Bijeljac Krstan, pasoš br. BH 561638 od 26. 12. 1985. izdata od SUP Sarajevo	1640	Isanović Almir, radna knjižica izdata od SO Foča	1687
Čuljak Dragan, pasoš br. BH 448926 izdata od SUP Sarajevo	1641	Trtica Milan, pasoš br. BH 366986 od 6. 12. 1989. izdat od SUP-a Sarajevo	1688
Bogušanin Ela, index Mašinskog fakulteta Sarajevo br. 10303	1642	Trtica Nada, pasoš br. BHR 478694 od 5. 6. 1990. izdat od SUP-a Sarajevo	1689
Kulenović Emir, pasoš br. BH 424541 izdat od SUP-a Sarajevo	1643	Zelihić Suad, pasoš br. BH 211624 izdat od SUP-a Sarajevo	1690
Čišija Nijaz, radna knjižica izdata od SO Novi Grad Sarajevo	1644	Živković Davor, pasoš br. BHR 091945 izdat od SUP-a Sarajevo	1691
Šuvalija Husein, ček. karta br. 0891039 PBS KB Sarajevo	1645	Muslim Muharem, pasoš br. BH 465560 izdat 13. 6. 1985. od SUP-a Sarajevo	1692
Mujkić Salih, radna knjižica izdata od SO Centar Sarajevo	1646	Krupalija Ibrahim, pasoš br. BH 252429 od 8. 9. 1989. izdat od SUP-a Sarajevo	1693
Paradžina Srdan, pasoš br. BHR 204602 izdat od SUP-a Sarajevo 18. 7. 1989.	1647	Isanović Azemina, radna knjižica izdata od SO Foča	1694
Turčalo Fikreta, radna knjižica izdata od SO Novi Grad Sarajevo	1648	Fazlagić Suad, radna knjižica izdata od SO Gacko	1695
Mešanović Vasvija, radna knjižica izdata od SO Novo Sarajevo	1649	Kreštalica Adnan, pasoš br. BH 845661 izdat od SUP-a Sarajevo	1696
Mešanović Vasvija, diploma o IV razredu SŠC "Braća Ribar" Sarajevo, hemijski tehničar	1650	Kreštalica Mesud, pasoš br. BH 566982 izdat od SUP-a Sarajevo	1697
Planinić Dženita, pasoš br. BH 599724 od 26. 3. 1986. izdat od SUP Sarajevo	1651	Kreštalica Munevera, pasoš br. BH 447587 izdat od SUP-a Sarajevo	1698
Tarlić Suada, radna knjižica izdata od SO Ilidža	1652	Abaza Imad, radna knjižica izdata od SO Stari Grad Sarajevo	1699
Pašović Ajdin, pasoš br. BH 475473 od 10. 7. 1985. izdat od SUP Sarajevo	1653	Tataragić Sabina, radna knjižica izdata od SO Foča	1700
Vidaković Dušan, pasoš br. BH 465470 od 8. 7. 1985. izdat od SUP Sarajevo	1654	Drina Hajrija, pasoš br. BHR 311833 izdata od SUP-a Sarajevo	1701
Kujačić Jadranka, ček. karta br. 1888505 izdata od KB DD Sarajevo	1655	Drina Mubera, pasoš br. BHR 414124 izdat od SUP-a Sarajevo	1702
Karišik Bogdan, pasoš br. BH 874509 od 15. 11. 1991. izdat od SUP Sarajevo	1656	Drina Dženana, dječiji pasoš izdat 25. 4. 1990. od SUP-a Sarajevo	1703
Paradžina Arsen, pasoš br. BH 764801 od 25. 12. 1986. izdat od SUP Sarajevo	1657	Drina Omer, dječiji pasoš izdat 25. 4. 1990. od SUP-a Sarajevo	1704
Paradžina Ivanka, pasoš br. BHR 703522 od 10. 4. 1991. izdat od SUP Sarajevo	1658	Čeljo Suad, radna knjižica izdata od SO Novi Grad Sarajevo	1705
Semiz Sanjin, pasoš br. BH 685509 izdat od SUP Sarajevo od 16. 7. 1986.	1659	Šeremet Vedad, pasoš br. BHR 995634 od 13. 6. 1988. izdat od SUP-a Sarajevo	1706
Nikolić Janja, pasoš br. BHR 302625 izdat od SUP Sarajevo od 15. 11. 1989.	1660	Šeremet Enesa, pasoš br. BHR 251682 od 6. 6. 1990. izdat od SUP-a Sarajevo	1707
Čagelja Anda, pasoš br. BHR 414513 od 23. 4. 1990. izdat od SUP Sarajevo	1661	Maksimović Vladimir, pasoš br. BHR 323745 od 13. 4. 1990. izdat od SUP-a Sarajevo	1708
Dautbašić Sead, pasoš br. BHR 414513 od 23. 4. 1990. izdat od SUP Sarajevo	1662	Cerić Azemina, pasoš br. BH 059248 izdat od SUP-a Sarajevo	1709
		Vežagić Ahmed, pasoš br. BH 474590 od 25. 6. 1985. izdat od SUP-a Sarajevo	1710
		Vežagić Merzuk, pasoš br. BH 930147 od 12. 2. 1992. izdat od SUP-a Sarajevo	1711
		Ručić Meho, radna knjižica izdata od SO Rogatica	1712
		Jakubović Adnan, pasoš br. BH 440181 od 30. 6. 1966. izdat od SUP-a Sarajevo	1713
		Hafizović Neira, radna knjižica izdata od SO Srebrenica	1714
		Mandžo Rešad, radna knjižica izdata od SO Foča	1715

SADRŽAJ

- 8 Odluka o razrješenju i imenovanju predsjednika Komisije za raspisivanje pozivnog konkursa za izbor himne Republike Bosne i Hercegovine 17
- 9 Odluka o postavljenju ambasadora Republike Bosne i Hercegovine u Republici Hrvatskoj 17
- 10 Odluka o proglašenju nevažećom zapovijedi ministra odbrane Republike Bosne i Hercegovine 17
- 11 Uredba o naknadama za putne i druge troškove radnika državnih organa 17
- 12 Odluka o raspodjeli derivata nafte na teritoriji Republike Bosne i Hercegovine 19
- 13 Odluka o osnivanju Fonda "Hakija Turajlić" 19
- 14 Rješenje o davanju saglasnosti na cijene uglja za termoelektrane 20
- 15 Rješenje o davanju saglasnosti na cijene električne energije 20
- 16 Rješenje o imenovanju Upravnog odbora Instituta za istraživanje zločina protiv čovječnosti i međunarodnog prava 21
- 17 Rješenje o postavljenju podsekretara u Ministarstvu energetike, rudarstva i industrije 21
- 18 Rješenje o postavljenju pomoćnika ministra energetike, rudarstva i industrije 21
- 19 Rješenje o postavljenju pomoćnika ministra energetike, rudarstva i industrije 21
- 20 Rješenje o postavljenju pomoćnika ministra energetike, rudarstva i industrije 21
- 21 Rješenje o postavljenju direktora Direkcije Republike Bosne i Hercegovine za proizvodnju naoružanja i vojne opreme 21
- 22 Rješenje o postavljenju direktora Zavoda za standardizaciju, mjeriteljstvo i patente Republike Bosne i Hercegovine 21
- 23 Naredba o uskladjivanju mjesečnih novčanih iznosa primanja civilnih žrtava rata od 1. novembra 1992. godine 22
- 24 Uputstvo o racionisanoj potrošnji osnovnih prehrambenih proizvoda 22

USTAVNI SUD BOSNE I HERCEGOVINE

Odluka o poništavanju Dogovora o udruživanju u Autonomnu regiju Sjeveroistočna Bosna ("Službeni glasnik opštine Lopare", broj 10/91) i Odluke o zaključivanju Dogovora o udruživanju u Autonomnu regiju Sjeveroistočne Bosne, koju je 15. 10. 1991. godine, donijela Skupština opštine Lopare ("Službeni glasnik opštine Lopare", broj 9/91).

22

Odluka o ukidanju Odluke o organizovanju Radne organizacije za proizvodnju i distribuciju toplote "Toplane-Sarajevo" Sarajevo kao javnog preduzeća ("Službene novine grada Sarajeva", br. 21/89 i 21/90)

23

Odluka o utvrđivanju da su odredbe člana 26. stav 3. alineja 8, člana 42. i člana 69. stav 1. tačka 6. Zakona o stambenim odnosima ("Službeni list SRBiH", broj 14/84 - prečišćeni tekst i 12/87) prestale da važe.

Odluka o utvrđivanju da su odredbe člana 6. stav 1. Zakona o šumama ("Službeni list SRBiH", br. 11/78, 19/78 i 12/87) u dijelu koji glasi "i propisima skupštine opštine" i odredba člana 32. stav 3. istog zakona, prestale da važe.

Odluka o odbijanju prijedloga Mješovitog građevinskog industrijskog preduzeća "Drina" dd Goražde, za ocjenjivanje zakonitosti odredbe člana 3. tačka d. Odluke o naknadama za vodoprivredu na području opštine Goražde, koju je Skupština opštine Goražde donijela 5. 7. 1991. godine ("Meduopštinski službeni glasnik", broj 11/91) i odredbe člana 3. tačka d. Odluke o naknadama za vodoprivredu na području opštine Goražde, koju je Skupština opštine Goražde donijela 19. 12. 1991. godine ("Meduopštinski službeni glasnik Sarajevo", broj 16/91).

UPRAVA ZA BORAČKO-INVALIDSKU ZAŠTITU REPUBLIKE BOSNE I HERCEGOVINE

Naredba o uskladjivanju mjesečnih novčanih iznosa lične invalidnine, porodične invalidnine i uvećane porodične invalidnine, dodatka za njegu i pomoć od strane drugog lica i ortopedskog dodatka

Naredba o uskladjivanju mjesečnih novčanih iznosa osnovnog obezbjeđenja, porodičnog dodatka, dodatka za njegu i pomoć drugog lica, stalnog obezbjeđenja i izuzetnog obezbjeđenja

Naredba o uskladjivanju mjesečnih novčanih iznosa invalidskog dodatka, dodatka za njegu i pomoć drugog lica i dodatka na djecu

DRUŠTVENI FOND ZA PENZIJSKO I INVALIDSKO OSIGURANJE BOSNE I HERCEGOVINE

Saopštenje o uskladjivanju penzija i novčanih naknada sa kretanjem ličnih dohodaka u oktobru 1992. godine

Saopštenje o uskladjivanju penzija i novčanih naknada sa kretanjem ličnih dohodaka u novembru 1992. godine

JAVNO PREDUZEĆE ELEKTROPRIVREDA BOSNE I HERCEGOVINE

Odluka o stavljanju van snage kriterija za umanjeње tarifnih stavova za prodaju električne energije

Odluka o izmjenama i dopunama opštih uslova za isporuku električne energije

Odluka o izmjenama i dopunama tarifnog sistema za prodaju električne energije